

Mett de Vornome isses so e Sach

Om Sunndaach uffem Flerschemer Weihnachtsmarkt hadde merr erst dann e bissi Weihnachtsstimmung krieht, alses dunkel worrn iss unn de Musikverein gespillt hott. Unn wies so iss uffem Weihnachtsmarkt, doo trinkt merr enn Glühwoi odder zwaa unn babbelt iwwer alles meechnliche. De Schorsch hott erzählt, dass zwaa von soine Enkel-scher om Somsdaach beim Nickeloos gewese sinn unn sich e Nickeloosbopp hawwe schenke losse.

Ich habb gefroocht: Hott eiern Jüngsde dem Nickeloos gesacht, dass er fast aach so heeßt, nämlich Niklas?

Naa, gibts Kättche zur Antwort, dess grad nit, awwer er hott schee brav ‚Danke lieber Nikolaus‘ gesacht.

Dess hott merr gefalle. Wirklich brav, eiern Niklas. Iwwerichens iss Niklas joo noch immer ooner von de beliebteste Buwenome, wenn aach dissjohr Leon onn ersder Stell steht. Awwer Vornome sinn so modisch wie Kleider, sie ännern sich von Johr zu Johr. Bei uns doomols im Johr 1935 warns Helga unn ...

De Karl hott oigeworfe: Adolf!

Ich habb de Kopp geschittelt. Hätt ich aach gedenkt, awwer es war Hans.

Ach, moont die Paula, so scheene Mädchernome wie Hildegard odder Roswitha gibts heit garnimmi. Awwer warum eichentlich nit?- dess sinn doch Nome, was aach Vorbilder dezu gibt: die heilich Hildegard von Binge unn die heilich Hrotsvitha aus Gandersheim. Debei heeßt Roswitha ‚die sehr Ruhmreiche‘ unn Hildegard ‚die kämpferisch Schützen-de‘, dess wär doch aach was ferr junge Leit heitzedaach, ihr Mädcher so ze nenne, odder moonder nit?

De Karl hott gegrinst. Ess letzte Mol als ich Roswitha gelese habb doo war dess de Nome von de Wutz von de Kerweborsch.

Die Paula hott sich uffgereecht: Grad dess derft nit bassiern, wenn merr e bisje hinner die Geschichte von de Vornome gucke det. Wer immer dere Wutz den Nome gewwe hott der misst emol doodriwwer noochdenke. Odder oofach emol im Internet noochgucke, doo konner dess doch alles noochlese. Naa, sowas derft nit bassiern.

Ich saach: Mett de Vornome isses halt so e Sach. Wenn owwe im Westerwald in dene kloone Örtcher e Kind uff die Welt kumme iss, musst de Vadder so siwwe odder acht Kilometer weit uffs Stondesomt laafe. Ess iss schunn long her, awwer doo war ooner, der hott uffem Weech dorthie Station innere Wertschaft gemacht unn hott dort e Bier unnen Schnaps uff Mutter unn Kind getrunke. Unn wie er dann uffs Stondesomt kumme iss hotter nimmi gewusst, was soi Fraa dem Kind ferrn Nome gewwe wollt. Awwer dass dess Kind e Mäde war, dess hotter noch gewusst unn hott korzerhond als Vornome oischreiwelosse: Emma. Alser dann hoomkumme iss hott soi Fraa enn mords Uffstond gemacht, hotten geschennt unn hott gesacht, du Suffkopp, dess Kind soll doch Helene haaße. Unn so isses kumme, dass bei dere Erdenbürcherin bis zu ihm Dod im Alter von bald achtzich Johr Emma im Stombuch gestonne hott und sie Lina gerufe worrn iss.

De Karl hott widder gegrinst: So was ähnliches solls nit nor im Westerwald gewwe hawwe.

Eiern Honnes